



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Mariae Gratiani A Burgo S. Sepulchri Episcopi
Amerini De Vita Joannis Francisci Commendoni Cardinalis
Libri Quatuor**

Graziani, Antonio Maria

Parisiis, 1669

Cap. VI. De foedere per Pontificem adversus Turcas icto ejus operâ.

urn:nbn:de:hbz:466:1-9616

genii , atque intimi animi ejus crederetur. Profectus Viennâ Commendonus diœceses Passaviensem , & Salisburgensem , per quas illi iter fuit, curâ , ac diligentia eâdem , fructu , ac opere pretio majore lustravit , quod in vtraque Episcopi probi , ac religiosi homines præterant , qui Commendoni studio non solum adversati non sunt , sed etiam adjumento fuere ; & Salisburgensis quidem Archiepiscopus etiam Concilium Provinciæ suæ , rem diu antè intermissam , illius instinctu , atque hortatu habuit , in quo multa salubriter decreta , & sancta sunt. Ad reliquos Germaniæ Episcopos litteras ex auctoritate Pontificis dedit , quibus ad usum , cultumque antiquæ disciplinæ renovandum multis , atque accuratis verbis eos est adhortatus.

*De fædere per Pontificem adversus Turcas
icto , & opera in id à Commen-
dono impensa.*

C A P U T V I .

REVERSUS inde Urbem sub finem sequentis anni , qui fuit M. D. L X I X. excepit bellum , quod Selimus Rex Turcarum libidine Cyprum insulam ditioni suæ subjiciendi terrâ , marique Venetis intulit. Cui propulsando bello Pontifex Pius haud secus , quam si eo ipse peti-

tus esset , animo , conatûque incubuit , non stu-
dio erga Venetos , quibus ad id locorum subira-
tum fuisse constat , sed amore Christianæ rei ,
quam carpi in dies , atterique impotentibus præ-
validæ gentis armis cernens , ingenti dolore , cu-
râque sollicitabatur . Cùmque eâ tempestate Phi-
lippus , debilitatis domestico malo Gallis , vnus
omnes Christianos Reges longè opibus anteiret :
quippe non vniuersæ modò Hispaniæ dominaba-
tur ; sed omne Belgarum nomen , quod latè multas ,
ac bellicosas gentes complectitur , in ditione ha-
bebat , & in Italia cùm Neapolitanum , tum Me-
diolanense Regnum , firmum vtrumque , atque
opulentum , obtinebat , & maximè opportunæ
parandis , alendisque classibus Sicilia , Sardiniá-
que , & Baleares insulæ imperio ejus parebant ,
& Corsica etiam , & Ligurici maris ora , civitâf-
que Genuensium auctoritatem ejus sequebatur :
Africæ quoque injecerat manus , ædificato haud
longè à ruinis antiquæ Carthaginis castello , cui
ab freti faucibus , quibus impositum erat , Go-
lettæ nomen fuit , magnóque munito opere , &
Tunetum frequentem urbem regionis ejus in fi-
de habebat , & vicinos populos Siciliam , atque
Hispaniam contra sitos à maleficio continebat .
Sed præter hæc , quæ commemoravimus Regna
ditia , & viris , armisque potentia , multò ma-
ximum Imperium vltra Oceanum in Occidente
propagatum habebat , quod patrum nostrorum
memoriâ , Christophori Columbi Liguris inge-

L1 ij

nium , & humano captu major audacia aperuit. Ejus Imperii terræ ignoratæ veteribus in tantam magnitudinem patere dicuntur , vt eis novi orbis nomen scriptores nostri indiderint , ex quibus auri vis ingens ad Philippum per immensa vastissimi maris spatia quotannis navibus advehebatur. Hunc igitur Regem tantis subnixum opibus . vt sibi , Venetisque ad Turicum bellum fœdere , ac societate ante omnes adjungeret , Pius initio statim est aggressus : nec ille magnopere abnuit ; nam & Pontificis Maximi auctoritatem , quantum Christianum , & pium Regem decebat , reverebatur , & amplitudine suâ indignum , & sibi invidiosum fore intelligebat , si tanto impendente Christiano nomini de Barbaris periculo , ipse Reipublicæ defuisset ; & præterea Pium sperabat facturum sibi potestatem ex ditibus Hispaniæ sacerdotiis pecuniam corrogandi : ita bellum gloriæ sibi magis , quam impendio vlli , aut sumptui futurum. Quod si Philippo vafra , & dominandi cupida Hispanorum ingenia respondissent , acri , atque hoc maximè intento Pontifice , magnâ , nec dubiâ spe victoriæ gesturi cum Turcis id bellum fuisse videbantur : sed illis non tam cordi erant , vt vincerentur , aut procul Venetorum cervicibus submoverentur Turcæ , quam vt id alerent , ducerentque bellum , cuius morâ , onerâque presi , attenuatique Veneti ipsi opportuni sibi Italiæ Regnum affectantibus fierent. Id cùm Venetos Patres non falleret , antea quoque sub Carolo

Philippi patre Hispanorum artes , & ambitiosa , atque callida consilia æquè diffici suæ Reipubli- cæ tempore experti , inviti , ac reluctantes adducebantur , vt se vlo fœdere cum Philippo alli-garent , pacémque quamvis gravibus conditioni- bus redemptam Hispanorum societati præfere- bant. Sed hæc seniorum mens erat. Juventus in- juriā , perfidiāque Barbarorum incitata decerta- re , ac dignitatē suam armis tueri præoptabat , fœderique favebat , de quo Romæ apud Pium ab vtrisque Legatis agebatur ; in quo Commen- doni singularis industria , prudentiāque enituit , multique difficiles nodi expediti per eum , expli- catique sunt. Nam & Veneti Legatis suis impe- raverant , vt omnia cum eo communicarent , il- liūisque consilio maximè vterentur : & Pius nemi- nem magis intimis rebus adhibebat. Consense- rant tandem Veneti , Hispanique in certas fœ- deris leges , & ad eas fanciendas ad Pium vtrique convenerant , cùm Regii Legati præsentem exci- pere annum cœpere , quo non satis sibi superef- fe temporis ad paranda , præstandāque , quæ ex pactæ societatis conditionibus deberent , aiebant. Id verò adeò stomachum Venetis Patribus movit , vt à belli cogitationibus ad consilia pacis proti- nus converterentur , ac per speciem commutandi captivos Constantinopolim mitterent , qui cum Turcis de compositione ageret. Pio eâ re incre- dibiliter anxo , perturbatōque Commendonus auctor fuit Marcum Antonium Columnam Ve-

netias mittendi, qui & dux à Pontifice classis delectus fuerat, & vir erat non rei militaris peritior, quam civilibus artibus, naturalique facundiâ ad pertractandos animos hominum instruetus. Ipsum verò Columnam à Pio statim proficisci iussum monuit omni ope contendere, ut de suis postulatis ad Senatum referretur, & belli, pacisque deliberatio à decemvirûm collegio, paucisque senibus mentionem omnem belli horrentibus abducta ad Senatûs cognitionem traduceretur: plus ibi ardoris, animorûmque ad rem armis decernendam, ineundûmque fœdus futurum. Nomina quoque Senatorum, per quos id conaretur, edidit, & Columna cùm Venetias venisset, Commendoni præceptis ita obtemperavit, ut re in Senatum deductâ tenuerit, vt abruptâ spe pacis, Veneti strenue bellum capesserent, ac fœdus summâ Pontificis, ac totius Italiae lœtitiâ feriretur. Unde nobilis illa navalis pugna, victoriâque est parta, quæ si quantum gloriæ Christiano nomini, tantundem fructûs, atque emolumenti attulisset, non adeò nunc immanem Barbarorum potentiam timere cogeremur. Quis hujus belli imperator eligeretur multûm, diuque est disceptatum. Veneti Philippi gratiam respiciensem, ex ejusque pendentem fide ducem antea adversum rebus suis experti, vt Cardinalium aliquis classi præficeretur, postulabant magnâ spe, quia Pontifex Commendono vni ex omnibus Patribus plurimûm tribuere videretur, nullamque

rem esse tantam, quæ ejus ingenio, ac prudenter non recte committeretur, prædicaret, fore ut eum potissimum summæ rei præesse juberet; ita bellum è re publica, suaque administratum iri. Sed neque Hispani Venetum imperatorem facile accipiebant: & Commendonus ipse militare imperium planè aspernabatur, Piùmque dubitatem, & deliberantem monebat, quām ea procuratio, tractatiōque armorum ab hominibus togatis, & sacrorum ministris aliena, abhorrensque esset. Ita res à Cardinalibus est rejecta, & ad Joannem Austrium Philippi fratrem, si præsens bello interesset, quod Hispani pollicebantur, imperium delatum.

De nova ejus ad Cesarem, & Polonos legatione.

C A P U T VII.

COMMENDONO aliæ impositæ partes gerendæ Republicæ, vnde illi magnorum laborum, sed magnæ item laudis materia est orta. Post junctum cum Philippo, & Venetis fœdus, cupiens Pius omnes in Barbaros concire, ac sollicitare Reges, & ante alios Maximilianum Cæsarem, & Augustum Regem Poloniæ, qui finitimi Turcarum Imperio, maximè opportuni inferendis à terra armis, atque distinendo hosti habe-